

جفي والعين ونحري فدوة لحسين  
والدما خلها تجري فدوة لحسين

فدوة لحسين جفي والعين

\*\*\*

كسر كلبه حالة الوالي ابو اليمه	بـكـربـلا حـاير	ما بـگـى نـاصـر
واگف وينظر اخوه الفايض بهمه	بدمعه مذروفه	يصفك جفوفه
يشاهد الأنصار كل من غارگ بدمه	جثت منحوره	وروس مبتوره
غرب صوبه وظل يحلفه بفاطمه امه	يطلب الرخصة	يدخل العرصه

هذي اسكينه جتني وتطلب الماي  
ناحلـه عـذبتـي وما بـگـى راي

من هالونين تطلب امعين

\*\*\*

هذا طفلك ببو اليمه غارت اعيونه	يابسه اشـفـافـه	وذبلت اوصافه
ضامي اگليبه يحسره وجابته اسكينه	لجله متحسره	وتهمل العبره
مگدر انظر هالطفل متعالي اونينه	ناحل وضامي	ومدمعه هامى
ليت جسمي ينفري وتتقطع جفينه	ولا اشـوـفـنـه	يجذب الونـه

طفلك الضامى فتنى يا منى الروح  
فجع كلبى وشعبنى بكثرة النوح

غارت العين وحوم البين

\*\*\*

كله ياحامى اللوا ويحزامى ابظهري	خايف اعلىكم	من أعاديكم
وخوفي ابگى بغربتي ودموعي دم تجري	وانته عالغبره	تگاسى الطبره
وانت تدري امزتک ياخويه إي تدري	فرگتک صعبه	بهاذى الغربه
انت روحى ومن يصون ايتامى وخدرى	ياعمد داري	وحامل اسراري

هذا شملى يخويه يصير فرهود  
ومنهو غيرك إيا راعي الزود

التجى وين كلبى شطرين